


長
沙
會
戰
碑

王素存

我國對日抗戰，在湖南長沙會戰中，曾將日軍打得大敗虧輸，奠定最後勝利基礎，廣東梅縣名流管刻碑紀功，名「長沙會戰碑」。碑高七尺，寬二尺三寸，碑額爲篆體大字，碑文是隸體寸楷，我藏有一分拓片，茲將碑文錄爲本刊補白。

世界之禍福者也。有之，自長沙會戰始。初，倭寇連陷廣州、武漢，乘勢直趨岳陽，迫長沙，長沙散地，焚如棄如，幾爲決定之命運。夫長沙失，則湘南湘西並危，桂林、韶關，亦皆殆哉岌岌，西南之屏藩盡撤，行都之拱衛空矣。總裁雄斷，立下必守之命，艱鉅之任以付第九戰區司令長官薛岳將軍。時，將軍方減松



浦師團於德安萬家嶺，寇焰頓衰，故雖得岳陽而次且不敢遽進，將軍已赴鎮，救死扶傷，勞來安輯，日夜討訓，完備以待。鎮長沙九閱月，寇走頭無路，內閣連倒，妄冀僥倖一逞，以靖其民之厭戰。於是悉其醜類二十萬眾，聯合海空，由贛北鄂南湘北六路來攻，且宣播於世界，刻期十月一日佔領之，驕狂之態，恍如符堅之視晉人矣。將軍肅奉黨國威靈，上稟

總裁勝算，下與百姓同欲，外勵諸將忠勇，內綜帷幄智謀，彼己之情，洞若觀火。山川之勢，瞭如指掌。料敵制勝，不差參黍。即與吳參謀長逸志按照判斷決心指揮所部，贛北主將羅總司令卓英，王總司令陵基，鄂南主將楊總司令森，湘北主將關總司令麟

微，軍長陳沛、陳烈、歐震、張耀明、王耀武、孫渡、宋肯堂、安恩溥、韓全樸、夏首勳、彭位仁、夏楚中、楊漢域、李覺、李玉堂、劉多荃，各率將領取絕對攻勢，只求殲滅敵人，不呆守陣地，不死用方案，堅忍沉着，快速機敏，實行反包圍以破敵之包圍。鏖戰二十四晝夜，遂奏膚功，殲寇四萬，長驅三百里。時中華民國二十八年國慶前三日也。創空前之戰績，奠最後之勝利，堅全民之信念，改國際之聽觀，旋乾坤，震海歡騰，謝太傅肥水之捷，韓蕢王大儀之勝，功雖翬髯而難易迴殊矣，何況此役影響乃遠及太平洋哉！使倭

陷淞愈深，不能乘機南進，贏得時間以援英美，形成今日之局勢，此長沙會戰所以為曠古無倫之大烈也。一髮牽而全身動，微風濤而四海波，梅縣距長沙二千里，南洋羣島則萬餘里矣，然直等能安居樂業從事於出錢出力抗戰建國者，胥為長沙會戰之賜，感激贊

歎不能自休，用述其要伐石勒銘。若夫其詳，宣在民族中興之史。其辭曰：危而能安，亡而能存，直破歷史之成例，而橫制太平洋之狂瀾，此皆我總裁之勝算兮，薛長官能秉承勿愆。日居月諸，倏忽三年，六種震動，而我持角於其間，朔風兮變楚，民族兮開元，比涪溪兮作頌，永巍巍兮極天。

國立中山大學教授梅南泗水文學館館長古直撰文

國立中山大學教授梅南泗水文學館名譽館長黃枯桐書丹

國立中山大學教授梅南泗水文學館館友候過篆額

梅南泗水文學館館友華僑古秀階、陳華林、鄭道南、古漢宗、吳劍輝、古湧盛、黃康華、傅可英、黃沛卿、古德賢、李煥羣、曾舜唐、潘少龍、蕭昭明、余金池、曾慶樑、廖輝宸、林翹球、潘君勉、陳濟軒、古瑞庭，梅縣文園清風軒社友謝貞盤、楊維徽、熊素村、古雲瓊、古訓等敬立。

中華民國三十年七月七日立。

此碑拓片，在大陸上即少流傳，台灣自少有人存得，彌可珍貴。

中外文庫

第四種

還俗記

增訂再版

鈕先銘著

定價伍拾元

請速購閱

名作家鈕先銘先生多姿多采的一生中，有一段最難忘的經歷，最離奇的際遇，那便是他曾一度出過家，當了和尚，然後又名正言順的還了俗。這一段曲折離奇的經歷，刻已由鈕先生撰成「還俗記」。本書具傳記的真實性，有小說的傳奇色彩，確是一本百讀不厭，值得鄭重推薦的好書。